

Alþingi
Erindi nr. P 135/447
komudagur 26.11.2007

EYÞING – Samband sveitarfélaga í Eyjafirði og Þingeyjarsýslum –
Strandgötu 29; 600 Akureyri; Sími 464-9933; kt. 561192-2199; Netfang eything@eything.is


Akureyri 22. nóvember 2007

Nefndasvið Alþingis
Austurstræti 8 - 10
150 Reykjavík

Stjórn Eyþings hefur fengið til umsagnar frá menntamálanefnd Alþingis tillögu til þingsályktunar um eflingu kennslu í heilbrigðisvísindum í Háskólanum á Akureyri, 117. mál. Stjórnin samþykkti eftirfarandi:

Stjórnin mælir með samþykkt tillögunnar og vísar til ályktunar aðalfundar Eyþings 5. og 6. október sl. um mikilvægi þess að efla heilbrigðismenntun við Háskólann á Akureyri og að horft verði til fleiri greina en gert er í dag.

f.h. stjórnar Eyþings


Pétur Þór Jónsson
framkv.stjóri



FÉLAG ÍSLENSKRA FÓTAAÐGERÐAFRÆÐINGA

Kt. 451196 –2949. Pósthólf 1223, 121 Reykjavík, sími: 897 1797, netfang: fif@fotur.is, veffang: www.fotur.is


Alpingi
Erindi nr. P 135/367
komudagur 22.11.2007

Reykjavík 21. nóvember 2007

Þingsályktunartillaga um að efla kennslu í heilbrigðisvísindum í Háskólanum á Akureyri. Þskj. 118 – 117. mál.

**Félag íslenskra fóttaðgerðafræðinga er heilshugar meðmælt þingsályktunartillögu þeirri sem um ræðir.
Þörfin fyrir góða heilbrigðisþjónustu á landinu öllu er mikil og eykst stöðugt.**

F.h. Félags íslenskra fóttaðgerðafræðinga,


Sólrún Ó. Sigurðsdóttir, formaður FIF

Alþingi
Erindi nr. P 135/364
komudagur 22. 11. 2007



Suðurlandsbraut 22
108 Reykjavík
Sími 540 6400
Fax 540 6401
hjukrun@hjukrun.is
www.hjukrun.is

Nefndasvið Alþingis
Austurstræti 8 - 10
150 Reykjavík

Reykjavík, 21. nóvember 2007

Efni: Umsögn um tillögu til þingsályktunar um eflingu kennslu í heilbrigðisvísindum í Háskólanum á Akureyri, 117. mál.


Félag íslenskra hjúkrunarfræðinga (FÍH) þakkar beiðni um umsögn um tillögu til þingsályktunar um eflingu kennslu í heilbrigðisvísindum í Háskólanum á Akureyri.

Félag íslenskra hjúkrunarfræðinga fagnar framkominni tillögu til þingsályktunar og tekur undir greinargerð þá sem henni fylgir. Jafnframt vekur félagið athygli á skýrslu FÍH um manneklu í hjúkrun sem gefin var út á fyrri hluta þessa árs og er aðgengileg á vefslóðinni <http://www.hjukrun.is/lisalib/getfile.aspx?itemid=1453>. Þar kemur m.a. fram að mannekla í hjúkrun mun að óbreyttu vaxa enn frekar fram til 2015, verði ekkert að gert, þar sem stórir árgangar hjúkrunarfræðinga munu fara á lífeyri á næstu árum.

FÍH hvetur til samþykktar þingsályktunartillögunnar.

Virðingarfyllst,

F.h. stjórnar Félags íslenskra hjúkrunarfræðinga,


Elsa B. Friðfinnsdóttir, formaður

Alþingi
Erindi nr. P 135/387
komudagur 22.11.2007



Menntamálanefnd Alþingis
Nefndarsvið Alþingis
Austurstræti 8-10
150 Reykjavík

Reykjavík 22. nóvember 2007

Umsögn Félags íslenskra náttúrufræðinga er varðar þingsályktun um eflingu kennslu í heilbrigðisvísindum í Háskólanum á Akureyri, 117. mál.

Félagi íslenskra náttúrufræðinga barst bréf frá Menntamálanefnd Alþingis þann 6. nóvember þar sem óskað er eftir að félagið veiti umsögn um þingsályktun um eflingu kennslu í heilbrigðisvísindum í Háskólanum á Akureyri, 117. mál.

FÍN gerir ekki athugasemdir við þessa þingsályktunartillögu og styður það að menntun sé elfd í námsgreinum á háskólastigi.

Með kveðju


f.h.ínu Bjargar Hjálmarsdóttur, formaður FÍN
Marianna H. Helgadóttir, framkvæmdastjóri FÍN

Reykjavík 22.11.07.

**Umsögn stjórnar FSSS um tillögu til þingsályktunar um að efla kennslu í
heilbrigðisvísindum í Háskólanum á Akureyri.
Þskj. 118 – 117. mál.**

Menntamálanefnd Alþingis,
Þorvaldur Ingvarsson, Kristján Þór Júlíusson, Ólöf Nordal, Björn Valur Gíslason, Þuríður
Backman, Einar Már Sigurðarson, Valgerður Sverrisdóttir, Höskuldur Þórhallsson og
Birkir J. Jónsson alþingismenn.


Ágætu flutningsmenn.

Stjórn Félags sjálfstætt starfandi sjúkraþjálfara (FSSS) styður þingsályktunartillögu um
að efla kennslu í heilbrigðisvísindum í Háskólanum á Akureyri heilshugar.

Til viðbótar við greinargerð þingsályktunarinnar vill stjórn FSSS jafnframt benda á að
mikill skortur er á sjúkraþjálfurum um land allt og er það skoðun stjórnar að Háskólinn á
Akureyri henti vel fyrir nám í sjúkraþjálfun, bæði grunn- og viðbótarnám.

Nám í sjúkraþjálfun í Háskólanum á Akureyri væri góð viðbót og örvun við nám í
sjúkraþjálfun sem fram fer í Háskóla Íslands.

Virðingarfyllt



Kristján Hjálmar Ragnarsson formaður FSSS

Nefndasvið Alþingis
Austurstræti 8-10
150 Reykjavík

13. nóvember, 2007

Efni: Tillaga til þingsályktunar
um að efla kennslu í heilbrigðisvísindum í
Háskólanum á Akureyri.
135. löggjafarþing 2007-2008
Þskj. 118 – 117. mál.

Félag tanntækna og aðstoðarfólks tannlækna gerir ekki athugasemdir
við ofangreinda tillögu.

Virðingarfyllst,

Félag tanntækna og
aðstoðarfólks tannlækna,

Erla Ingólfssdóttir

Erla Ingólfssdóttir, formaður

Alþingi
Erindi nr. P 135/448
komudagur 26.11.2007

Nefndarsvið Alþingis
Austurstræti 8-10
150 Reykjavík

Garðabæ 23 11 2007

Umsögn Félagsráðgjafafélags Íslands (FÍ) um tillögu til þingsályktunar um eflingu kennslu í heilbrigðisvísindum í Háskólanum á Akureyri, 117. mál.

Stjórn FÍ lýsir fullum stuðningi við hugmyndir um eflingu kennslu í heilbrigðisvísindum við Háskólann á Akureyri. Við viljum þó ýtreka mikilvægi þess að námi í Félagsráðgjöf verði komið á fót við Háskólann á Akureyri. Það yrði til að auka líkur á því að félagsráðgjafar fari að vinna á landsbyggðinni en þar vantar oft sárlega menntaða félagsráðgjafa í störf s.s. barnavernd, félagsþjónustu, fatlaða osfr. Eins og kemur fram í tillögunni sýna rannsóknir að nemendur sem útskrifast frá Háskólanum á Akureyri setjist frekar að á landsbyggðinni. Einnig væri gott faglega og námslega að fá samkeppni í námi félagsráðgjafa og myndi auka tengsl félagsráðgjafa á landsbyggðinni og á höfuðborgarsvæðinu. Það má geta þess að Háskóli Íslands hlaut nýverið gæðavottun náms í félagsráðgjöf. Háskóli Íslands er fyrsti háskólinn á Norðurlöndum sem fær gæðavottun náms í félagsráðgjöf 2007 – 2010 frá ENQASP - European Network for Quality Assurance in Study Programs in Social Professions.

Til að fá gæðavottunina þarf að uppfylla ákveðna gæðamælikvarða sem þróaðir hafa verið af ENQASP. Gæðavottunin þýðir að námið hér uppfyllir þau gæðaviðmið sem gerðar eru kröfur um í evrópskum háskólum. Nemendur geta verið vissir um að nám í félagsráðgjöf við Háskóla Íslands er viðurkennt í Evrópu og vottunin getur hjálpað þeim við að fá inngöngu í framhaldsnám erlendis og einnig að fá viðurkenningu á náminu, ef þeir hyggjast starfa í Evrópu. Gæðavottunin auðveldar einnig samvinnu á milli háskóla og þróun sameiginlegra viðmiða milli skóla.

Í úttektarferlinu fólst gerð sjálfsmatsskýrslu, þar sem m.a. er gefið yfirlit yfir innihald og skipulag námsins, námsmat, rannsóknir kennara, erlent samstarf, og tölulegar upplýsingar. Síðan komu tveir erlendir úttektaraðilar og tóku út námið. Þeir tóku viðtöl við kennara, nemendur og starfandi félagsráðgjafa sem höfðu útskrifast frá HÍ. Einnig fylgdust þeir með kennslu. Að lokinni úttektinni lögðu þeir niðurstöður sínar fyrir stjórn ENQASP sem staðfesti vottun á náminu í samræmi við staðlana sem fyrir lágu. Verkefnið var m.a. styrkt af rektor HÍ og Kennslumálasjóði.

Það er mikill styrkur fyrir félagsráðgjafarskor, félagsvísindadeild og HÍ að námið fékk vottun frá ENQASP. Hér er um frumkvöðlastarf að ræða á þessu sviði og ánægjulegt að vera meðal fyrstu skólanna sem tóku þátt í gæðavottunarferlinu fyrir félagsráðgjafarnám í Evrópu.

Þetta þykir FÍ styrkja það að kominn sé tími til að hefja nám í Félagsráðgjöf við Háskólann á Akureyri

f.h stjórnar Félagsráðgjafafélags Íslands



Páll Ólafsson
formaður



Alþingi
Erindi nr. P 135/1025
komudagur 10.1.2008

Nefndasvið Alþingis
Austurstræti 8-10,
150 Reykjavík.

Akureyri 9. janúar 2008.

Efni: Umsögn um tillögu til þingsályktunar um að efla kennslu í heilbrigðisvísindum í Háskólanum á Akureyri.

Með bréfi dagsettu 6. nóvember 2007 var óskað eftir umsögn Sjúkrahússins á Akureyri um tillögu til þingsályktunar um að efla kennslu í heilbrigðisvísindum í Háskólanum á Akureyri.

Eins og fram kemur í greinargerð með þingsályktunartillögunni er nú þegar veruleg vöntun á starfsfólki til starfa við heilbrigðisþjónustuna. Mest er vöntunin á hjúkrunarfræðingum en vöntunin er einnig tilfinnanleg í ýmsum öðrum greinum, m.a. lækningum og á það sérstaklega við um landsbyggðina. Ljóst er að brautskráðir hjúkrunarfræðingar og iðjuþjálfar frá Háskólanum á Akureyri hafa breytt miklu varðandi mönnun á þessu sviði. Samkvæmt könnunum sem gerðar hafa verið liggur fyrir að mikill meirihluti þeirra sem hafa brautskráðst frá Háskólanum á Akureyri búa og starfa á landsbyggðinni. Það er því mjög mikilvægt að kennsla í heilbrigðisvísindum verði eflað við Háskólann á Akureyri til þess að mæta núverandi þörf fyrir starfsfólk í heilbrigðisþjónustunni og ekki síður til að bregðast við stórauðinni þörf fyrir sérfræðistörf í heilbrigðisvísindum á komandi árum.

Sjúkrahúsið á Akureyri styður eindregið framkomna tillögu til þingsályktunar um að efla kennslu í heilbrigðisvísindum í Háskólanum á Akureyri.

Virðingarfyllst,

Halldór Jónsson, forstjóri.



Alþingi
Erindi nr. P 135/597
komudagur 30.11.2007

Nefndasvið Alþingis
Margrét María Guðjónsdóttir, nefndarritari
150 REYKJAVÍK

Reykjavík, 29. nóvember 2007
Tilvísun: HI07110037/004

Háskóla Íslands hefur borist til umsagnar þingsályktunartillaga um að efla kennslu í heilbrigðisvísindum í Háskólanum á Akureyri, 117. mál, 135. löggjafarþing 2007-2008.

Leitað var sjónarmiða heilbrigðisvísindadeilda Háskólans. Með fylgir sérstök umsögn frá hjúkrunarfræðideild.

Í greinargerð með tillögunni kemur fram að skortur á hjúkrunarfræðingum sé mikill og að um 800 hjúkrunarfræðinga vanti á landinu öllu svo að þörfum heilbrigðiskerfisins sé fullnægt. Margt bendir til að nægilega margir menntaðir hjúkrunarfræðingar séu nú þegar til staðar sem geti fullnægt eftirspurn að miklu leyti kæmu þeir til starfa. Lausn á þeim vanda sem staðið er frammi fyrir virðist því ekki einungis liggja í að mennta fleiri hjúkrunarfræðinga heldur þurfi að bæta vinnuaðstæður þeirra og laun. Nær er að nota fé til að bæta kjör og auka gæði þeirrar menntunar sem fyrir er og styðja þá fjölgun nema sem er nú þegar fyrirhuguð.

Einnig er mikilvægt að auka verulega samstarf þeirra aðila sem sjá um menntun hjúkrunarfræðinga, þ.e. HÍ og HA ásamt LSH og SA. Auðvelda þarf nemendaskipti og að nýta vel námspláss og kennslukrafta á kennslusjúkrahúsunum ásamt öðrum sjúkrahúsum út um land.

Mikilvægt er að fyrir hendi séu aðstæður og kennslukraftar áður en lagt er út í mikinn kostnað við að koma upp sams konar námi í heilbrigðisgreinum á fleiri en einum stað. Þar liggur lausnin frekar í meiri samvinnu milli staða. Ákveðnir staðir geta tekið að sér tiltekna þætti í náminu frekar en að sett verði upp tvöfalt kerfi. Þetta á við um grunnnám og enn frekar um framhaldsnám.

Tekið er undir það sjónarmið að verja þurfi auknu fé í menntun heilbrigðisstétta, en skoða verður vandlega hvort ekki sé skynsamlegra að nýta fjármunina í aukið samstarf þeirra sem nú þegar sjá um þessa menntun fremur en að byggja upp sömu menntun á mörgum stöðum.

Virðingarfyllt
f.h. háskólarektors

Þórður Kristinsson
sviðsstjóri kennslusviðs

Þórður Kristinsson
Sviðsstjóri kennsluviðs
Háskóli Íslands

Reykjavík 21. nóvember 2007

Efni: Umsögn um tillögu til þingsályktunar um að efla kennslu í heilbrigðisvísindum við Háskólann á Akureyri.

Í greinargerð með tillögu til þingsályktunar um að efla kennslu í heilbrigðisvísindum við Háskólann á Akureyri koma fram lýðfræðilegar breytingar á samsetningu þjóðarinnar og þau verkefni sem blasa við hjúkrunarfræðingum í ljósi þeirra breytinga. Jafnframt er fjallað um þann skort sem þegar er til staðar á hjúkrunarfræðingum í landinu. Leita þarf markvissra leiða til að bæta úr þeim vanda sem við blasir nú og í náninni framtíð og er menntun hjúkrunarfræðinga mikilvægt skref í því samhengi en tryggja þarf nægjanlegt fjármagn til þeirrar kennslu.

Hvað varðar umfjöllun um framhaldsnám í heilbrigðisvísindum þá er óljóst hvað átt er við með “dreifbýlislækningum og hjúkrun”. Gagnlegt væri að útskýra þetta betur.

Fram kemur að lagt verði mat á hvort skuli hefja kennslu í fleiri námsgreinum í heilbrigðisvísindum en í hjúkrunarfræði og iðjuþjálfun. Í því sambandi er minnst á mikilvægi þess að byggja stóran hluta námsins á sameiginlegum grunni. Samkennsla varðandi grunngreinar getur verið mjög gagnleg en huga þarf vel að því að grunngreinar rýri ekki hlut fræðigreinarinnar hjúkrunarfræði.

Í greinargerðinni er iðulega notað hugtakið „hjúkrun“ þegar væri betur við hæfi að nota hugakið hjúkrunarfræði.

Virðingarfyllst,

Sóley S. Bender, deildarforseti
Hjúkrunarfræðideild
Eirberg
Eiríksögötu 34
101 Reykjavík
Vs 525 4980
ssb@hi.is

Alþingi - nefndasvið
Austurstræti 8-10
150 Reykjavík

Akureyri, 28. nóvember 2007
Tilv.: 0711034

Umsögn um tillögu til þingsályktunar um eflingu kennslu í heilbrigðisvísindum í Háskólanum á Akureyri, 117. mál.

Háskólinn á Akureyri fagnar umræddri tillögu til þingsályktunar og mælir með að hún verði samþykkt.

Varðandi eflingu kennslu í heilbrigðisvísindum við Háskólann á Akureyri vill háskólinn einkum leggja áherslu á eftirfarandi atriði:

- Fjölga nemendum sem leggja stund á nám í hjúkrunarfræði bæði í stað- og fjarnámi
- Koma á fót fjarnámi í iðjuþjálfun
- Efla framhaldsnám í heilbrigðisvísindum
- Styrkja samstarf á sviði ljósmóðurfræða milli HA og HÍ
- Kanna möguleika á því að starfrækja sérhæft framhaldsnám t.d. í dreifbýlislækningum og –hjúkrun.

Þessu til áréttingar er hér á eftir rakin í stuttu yfirliti starfsemi heilbrigðisdeildar. Heilbrigðisdeild Háskólans á Akureyri var stofnuð 1987. Innan deildarinnar eru þrjú fræðasvið heilbrigðisvísinda, þ.e. hjúkrunarfræði og iðjuþjálfunarfræði til B.S. prófs og framhaldsnám í heilbrigðisvísindum til Dipl. og M.S. gráðu. Í dag eru 284 nemendur innritaðir í nám við deildina.

Nám í hjúkrunarfræði og iðjuþjálfun er 120 einingar og tekur fjögur ár og lýkur með B.S. gráðu. Stór hluti námsins er samkenndur milli brauta eða um 42 einingar og mest er samkennslan á fyrstu tveimur árum námsins.

Beita hefur þurft fjöldatakmörkunum í hjúkrunarfræði undanfarin ár vegna skorts á námsplássum í klínísku námi. Haustið 2006 fékk háskólinn heimild stjórnvalda til að fjölga námsplássum í hjúkrunarfræði um tíu og nú er miðað við 48 nemendur árlega. Þess má geta að hjúkrunarfræðinni hefur haldist mjög vel á nemendum sínum og mjög fáir hætta námi eftir að þeir komast í gegnum fjöldatakmörkun. Heilbrigðisdeild hefur haft að markmiði að hverjum árgangi í heimanámi í hjúkrunarfræði fylgi hópur fjarnemenda. Miðað er við að a.m.k. 10 nemendur hefji námið hverju sinni. Fjarkennt er þannig til a.m.k. fjögurra staða á landinu árlega.

Í iðjuþjálfun hefur ekki þurft að beita fjöldatakmörkunum nema tvisvar sinnum á undanförunum árum. Ekki er hægt að nema iðjuþjálfun annars staðar hér á landi. Deildarfundur heilbrigðisdeildar samþykkti 8. júní sl. að stefna að því að fjarnám í iðjuþjálfun, sem er aðgengilegt nemendum um allt land, hefjist haustið 2008.

Framhaldsnám hófst við Heilbrigðisdeild Háskólans á Akureyri í janúar 1997 er meistaranámi í hjúkrunarfræði í samvinnu við the Royal College of Nursing Institute í Manchesterháskóla var hrundið af stað. Þessu samstarfi er nú lokið en alls brautskráðust 30 nemendur með meistarapróf í hjúkrunarfræði úr náminu.

Þrír brautskráðir nemendur frá hjúkrunarfræði luku doktorsprófi frá erlendum háskólum á fyrri hluta ársins 2007.

Stofnað var til samstarfs um meistaranám í iðjuþjálfun með samningi um fjarnám við Dalhousieháskóla í Kanada vorið 1999. Í gegnum þetta samstarf lauk einn nemandi meistaragráðu í iðjuþjálfun vorið 2006.


Heilbrigðisdeild hóf haustið 2003 að próa nám á eigin vegum til meistaraprófs. Árið 2004 var í fyrsta sinn boðið upp á heilsteyppt þverfaglegt framhaldsnám í heilbrigðisvísindum til diplómu- og meistaragráðu. Um 60 nemendur eru nú innritaðir í þetta nám við deildina.

Heilbrigðisdeild Háskólans á Akureyri hefur byggt upp farsælt samstarf við fjölmargar stofnanir og einstaklinga, bæði innanlands og erlendis. Samstarfið er fjölþætt og tengir bæði nám og rannsóknir við fjölmarga aðila á heilbrigðissviði. Undirritaður var samstarfssamningur við Fjórðungssjúkrahúsið á Akureyri 7. október 2002. Í framhaldi af því var ákveðið að koma á fót rannsóknastofnun innan heilbrigðisdeildar sem hlaut nafnið Heilbrigðisvísindastofnun Háskólans á Akureyri (HHA). Háskólaráð samþykkti reglur um HHA þann 20. júní 2003 og voru þær gefnar út sem reglur nr. 876 hinn 20. nóvember sama ár. Gerðir hafa verið samstarfssamningar um kennslu og rannsóknir við LSH í júní 2006 og við Reykjalund endurhæfingu 20 júní 2007.

Í heilbrigðisdeild er lögð áhersla á grunn- og hagnýtar rannsóknir á sviði heilbrigðis og heilbrigðisþjónustu. Rannsóknavirkni kennara deildarinnar hefur farið mjög vaxandi á undanförunum árum.

Könnun sem gerð var meðal brautskráðra nemenda háskólans vorið 2005 leiddi í ljós ánægju nemenda heilbrigðisdeildar með fræðilegan undirbúning, handleiðslu kennara, persónulegt andrúmsloft og þjálfun í sjálfstæðum vinnubrögðum. Nemendur gera vaxandi kröfur um fjölbreytta kennsluhætti og góða vinnuaðstöðu og deildin telur mikilvægt að mæta þeim kröfum.

Virðingarfyllst,



Þorsteinn Gunnarsson, rektor



Iðjupjálfafélag Íslands

Borgartúni 6 – 105 Reykjavík – S. 588 1885

Alþingi

Erindi nr. P 135/366

komudagur 22.11.2007

Nefndarsvið Alþingis
Austurstræti 8-10
150 Reykjavík

Reykjavík 21.11.2007

Efni: Umsögn Iðjupjálfafélags Íslands um tillögu til þingsályktunar um eflingu kennslu í heilbrigðisvísindum í Háskólanum á Akureyri.

Stjórn Iðjupjálfafélags Íslands fagnar tillögu til þingsályktunar um að efla kennslu í heilbrigðisvísindum við Háskólann á Akureyri.

Í greinargerð með tillögunni kemur fram að mikil skortur er á hjúkrunarfræðingum og tekur stjórn IPÍ undir þetta og mikilvægi þess að komið verði til móts við þennan skort. Rétt er að benda á að einnig vantar mikið upp á að þörf fyrir þjónustu iðjupjálfa sé fullnægt. Frá árinu 2001, þegar brautskráð var í fyrst sinn, hafa 91 iðjupjálfi lokið námi. Þrátt fyrir þessa fjölgun er enn töluvert um lausar stöður iðjupjálfa bæði á stærsta sjúkrahúsi landsins, Landsspítala og víðar. Tilfinnanlega vantar iðjupjálfa til starfa með öldruðum á dvalar- og hjúkrunarheimilum, bæði á Höfuðborgarsvæðinu sem og á landsbyggðinni og það sama á við um þjónustu við börn.

Stefnt er að því að bjóða fjarnám í iðjupjálfun við Háskólann á Akureyri frá hausti 2008. Við teljum þetta mikilvægt spor í þá átt að gefa fleirum tækifæri til að stunda þetta nám þar sem töluverður kostnaður getur hlotist af því að þurfa að flytja búferlum til að stunda nám. Stjórn IPÍ vill benda á að fleira þarf að koma til en fjölgun námsplássna til að fjölga í stétt iðjupjálfa. Gera þarf starf iðjupjálfa eftirsóknarverðara m.a. með því að bæta launakjör iðjupjálfa og á það jafnframt við um fleiri stéttir sem starfa í heilbrigðisþjónustu. Einnig leggjum við til að komið verði til móts við nemendur sem stunda þurfa vettvangsnám, á 4 tímabilum frá 4 til 8 vikum, víða um land og m.a. á Höfuðborgarsvæðinu, með t.d. námsstyrkjum til að standa straum af leigu á húsnæði.

Virðingarfyllt
f.h. stjórnar IPÍ


Ljía Ingvarsson formaður



Menntamálanefnd Alþingis
Margrét María Grétarsdóttir nefndarritari
Austurstræti 8-10
150 Reykjavík

Alþingi
Erindi nr. P 135/224
komudagur 16.11.2007


Seltjarnarnesi, 14. nóvember 2007
2007110044/91/SG/gh

Efni: Þingsályktunartillaga um eflingu kennslu í heilbrigðisvísindum í Háskólanum á Akureyri

Þingmenn úr öllum stjórn mála flokkum leggja fram þingsályktunartillögu þess efnis að efla beri kennslu í heilbrigðisvísindum við Háskólann á Akureyri.

Þessi tillaga er skynsamleg. Mikill skortur er á hjúkrunarfræðingum, eins og rakið er í greinargerð með tillögunni, ekki síst utan höfuðborgarsvæðisins. Fjölmargar upplýsingar héðan og frá öðrum löndum benda til að námsstaður hefur áhrif á ákvörðun um starfsstað að námi loknu. Þörf er á að fjölga útskrifuðum hjúkrunarfræðingum og hefur Háskólinn á Akureyri þegar sýnt ágæti sitt við menntun þeirra. Í greinargerðinni er einnig réttilega vikið að nauðsyn eflingar framhaldsnáms í dreifbýlislækningum (rural medicine). Læknadeild á Íslandi er að sjálfsögðu við Háskóla Íslands og ekki er efni til að bæta við annarri slíkri. Hins vegar er verið að efla framhaldsnám í ýmsum sérgreinum læknisfræði hér á landi og lengi hefur verið til umræðu nauðsyn þess að koma á fót sérstöku framhaldsnámi í dreifbýlislækningum til eflingar læknisþjónustu utan þéttbýlis. Háskólinn á Akureyri og heilbrigðisstofnanir á Norðausturlandi hafa allt til að bera til að sinna slíku framhaldsnámi. Því er eindregið mælt til þess að þessi tillaga nái fram að ganga.

Virðingarfyllt,


Sigurður Guðmundsson
landlæknir

Alþingi nefndasvið
Margrét María Grétarsdóttir, nefndarritari
Austurstræti 8-10
150 Reykjavík

Reykjavík, 12.11.2007

Tilv. 40.13

MP/gg

Tillaga til þingsályktunar um eflingu kennslu í heilbrigðisvísindum í Háskólanum á Akureyri, 117. mál.

Landspítali (LSH) hefur fengið til umsagnar tillögu til þingsályktunar, mál nr. 117 um eflingu kennslu í heilbrigðisvísindum við Háskólann á Akureyri (HA).

Miðað er við að á yfirstandandi kjörtímabili verði menntamálaráðherra falið að sjá til þess að efla kennslu í heilbrigðisvísindum við HA.


Við HA er öflug heilbrigðisvísindadeild og hjúkrunarfræði og iðjuþjálfun verið kennd við HA allt frá stofnun HA og er iðjuþjálfun ekki kennd við aðra háskóla hérlandis. Þá er þar starfrækt heilbrigðisvísindastofnun sem sett var á laggirnar 2002/2003. HA hefur verið brautryðjandi í fjarkennslu í heilbrigðisfræðum.

Það er kunnara en frá þurfi að segja að skortur er á hjúkrunarfræðingum til starfa við heilbrigðisstofnanir hérlandis. Fjöldi hjúkrunarfræðinga fer á eftirlaun á næstu 10 - 12 árum. Aukin uppbygging í þjónustu við aldraða/langveika blasir við og mikilvægt að tryggja fagmenntað starfsfólk til starfa á þeim vettvangi. Brýnt er að mæta aukinni þörf á komandi árum.

Í greinargerð með þingsályktunartillögunni er ágætlega rökstudd þörfin fyrir fleiri heilbrigðismenntuðum starfsmönnum og tekur LSH undir þær röksemdir. Þar er m.a. bent á að leita nýrra leiða í uppbyggingu náms í heilbrigðisvísindum, kennsla í þessum vísindum efld og námsplássum í hjúkrun fjölgað. Þá eru færð fram þau rök fyrir eflingu þessa náms, að 80% brautskráðra hjúkrunarfræðinga frá HA starfi á landsbyggðarsjúkrahúsum.

Með vísan til framanritaðs sem og greinargerðar með tillögunni mælir LSH með samþykkt þingsályktunartillögu um eflingu kennslu í heilbrigðisvísindum við Háskólann á Akureyri

Virðingarfyllst
f.h. Landspítala



Magnús Pétursson, forstjóri

Nefndasvið Alþingis

Austurstræti 8 – 10

150 Reykjavík

*Alþingi
Erindi nr. P 135/386
komudagur 23.11.2007*

Reykjavík 21. nóvember 2007.


Tillaga til þingsályktunar um eflingu kennslu í heilbrigðisvísindum við Háskólann á Akureyri.

LEB gerir engar athugasemdir við ofangreinda þingsályktunartillögu.

Virðingarfyllst



Helgi K. Hjálmsón, formaður LEB



Borgþór S. Kjærnested, framkv.stj.LEB



LYFJAFRÆÐINGAFÉLAG ÍSLANDS

Pharmaceutical Society of Iceland

Alþingi

Erindi nr. P 135/369

komudagur 22.11.2007

Nefndasvið Alþingis
Austurstræti 8 – 10
150 Reykjavík

Seltjarnarnesi, 22. nóvember 2007

Efni: Þingskjal 118 – 117. mál.

Tillaga til þingsályktunar um að efla kennslu í heilbrigðisvísindum við Háskólann á Akureyri

Lyfjafræðingafélag Íslands vill lýsa yfir ánægju sinni varðandi þingsályktunartillögu um að efla kennslu í heilbrigðisvísindum við Háskólann á Akureyri. Mikilvægt er að stjórnvöld og háskólar verði viðbúin að bregðast við stóru aukinni þörf fyrir sérfræðistörf á heilbrigðisviði á komandi árum. Telur félagið einnig mikilvægt að lagt sé mat á hvort rétt sé að hefja kennslu í fleiri námsgreinum heilbrigðisvísinda við Háskólann á Akureyri.

Virðingarfyllst,

Unnur Björgvinsdóttir

Unnur Björgvinsdóttir
formaður Lyfjafræðingafélags Íslands

Alþingi
Erindi nr. **P** 135/365
komudagur 22.11.2007



Nefndasvið Alþingis
Austurstræti 8-10
150 Reykjavík

Reykjavík, 21.11.2007
Tilv. 164/2006 - 1.05.02
JHÁ

Efni: Umsögn Lýðheilsustöðvar um þingsályktunartillögu um eflingu kennslu í heilbrigðisvísindum við Háskólan á Akureyri.

Lýðheilsustöð þakkar veitt tækifæri til að gefa umsögn um þingsályktunartillögu um eflingu kennslu í heilbrigðisvísindum við Háskólan á Akureyri.

Lýðheilsustöð er almennt hlynnt eflingu kennslu í heilbrigðisvísindum. Í greinargerð með þingsályktuninni er sérstaklega talað um að fjölga plássum í hjúkrun. Það kemur fram að hjúkrunarfræðingar sem útskrifast frá HA setjast frekar að og starfa á landsbyggðinni sem er lykilþáttur í að halda uppi vandaðri heilbrigðisþjónustu um allt land. Í ljósi þessa ber að fagna þessari þingsályktunartillögu.

Við fjölgun plássá í hjúkrun er þó nauðsynlegt að hafa ávallt fagmennsku að leiðarljósi og leggja áherslu á að ekki verði slakað á kröfum við inntöku nýnema í námið eða í náminu sjálfu. Ekki er nóg að fjölga í stétt hjúkrunarfræðinga heldur er einnig mikilvægt að halda fagmennsku í stéttinni sem mestri í flóknu umhverfi og samfélagi.

Virðingarfyllst

Þórólfur Þórlindsson
forstjóri Lýðheilsustöðvar



LÆKNAFÉLAG ÍSLANDS

ICELANDIC MEDICAL ASSOCIATION

Alþingi
Erindi nr. P 135/461
komudagur 27.11.2007

Nefndasvið Alþingis
Menntamálanefnd
Austurstræti 8-10
150 Reykjavík

Kópavogi, 21. nóvember 2007

**Efni: Umsögn um tillögu til þingsályktunar um eflingu kennslu í
heilbrigðisvísindum í Háskólanum á Akureyri, 117. mál**

Læknafélag Íslands hefur fengið ofangreinda tillögu til umsagnar. Félagið er samþykkt efni hennar.

Virðingarfyllst,
f.h. Læknafélags Íslands

Birna Jónsdóttir
formaður

Alþingi
Erindi nr. P 135/524
komudagur 28.11.2007



Nefndasvið Alþingis
Austurstræti 8 – 10
150 Reykjavík


Reykjavík, 26. nóvember 2007

Efni: Umsögn um þingsályktunartillögu um eflingu kennslu í heilbrigðisvísindum í Háskólanum á Akureyri, 117. mál.

Öryrkjabandalagi Íslands hefur borist til umsagnar tillaga til þingsályktunar um eflingu kennslu í heilbrigðisvísindum í Háskólanum á Akureyri.

ÖBÍ tekur undir efni þingsályktunartillögunnar og mælir með samþykki hennar.

Virðingarfyllst,
f.h. ÖBÍ


Hafdis Gísladóttir
framkvæmdastjóri